



Broj/Број: 01/1-50-1-26-23/04.
Sarajevo/Сарајево: 15.03.2004.

Z A P I S N I K
sa 23. sjednice Ustavno - pravne komisije

Sjednica je održana 15.03.2004. godine s početkom u 16,00 sati.

Sjednici su prisustvovali članovi Komisije:

- | | |
|-----------------------|---------------------|
| 1. Mirsad Čeman, | 6. Seada Palavrić i |
| 2. Beriz Belkić, | 7. Petar Kunić. |
| 3. Tihomir Gligorić, | |
| 4. Ivo Miro Jović, | |
| 5. Momčilo Novaković, | |

Sjednici nisu prisustvovali: Nijaz Duraković i Martin Raguž, koji je najavio odsustvo.

Sjednici je prisustvovao sekretar Komisije Milan Zjajić i student stažista Nevena Golijanin.

Mirsad Čeman je pozdravio prisutne i istakao da bi u odnosu na prijedlog dnevnog reda iz poziva za sjednicu Komisija trebala raspravljati samo one tačke dnevnog reda sa povećanim stepenom hitnosti, cijeneći umor članova Komisije i činjenicu da je upravo završena sjednica Doma sa 16. tačaka dnevnog reda, pa je predložio sljedeći:

D N E V N I R E D

1. Verifikacija Zapisnika sa 22. sjednice, održane 25.02.2004. godine,
 2. Prijedlog Budžeta institucija BiH i međunarodnih obaveza BiH za 2004. godinu, predlažać Predsjedništvo BiH,
 3. Prijedlog zakona o izvršenju Budžeta institucija BiH i međunarodnih obaveza BiH za 2004. godinu, predlažać Predsjedništvo BiH,
 4. Prijedlog okvirnog zakona o zalozima, predlažać Vijeće ministara BiH,
 5. Prijedlog zakona o radu u institucijama Bosne i Hercegovine, predlažać Vijeće ministara BiH,
 6. Izbor predstavnika Ustavno-pravne komisije Predstavničkog doma u Radnu grupu za izradu Prijedloga Kodeksa jedinstvenih nomotehničkih pravila za izradu pravnih propisa u institucijama Bosne i Hercegovine,
 7. Ostala pitanja.
- Predloženi dnevni red je jednoglasno prihvaćen.

Ad. 1. Verifikacija Zapisnika sa 22. sjednice, održane 25.02.2004. godine

Bez primjedbi, Zapisnik sa 22. sjednice je jednoglasno verifikovan.

Ad. 2. Prijedlog Budžeta institucija BiH i međunarodnih obaveza BiH za 2004. godinu, predlažać Predsjedništvo BiH,

Nakon provedene kraće rasprave, Ustavno-pravna komisija Predstavničkog doma je jednoglasno utvrdila sljedeće:

1. Postoji valjan ustavno-pravni osnov za donošenje Budžeta institucija Bosne i Hercegovine i međunarodnih obaveza Bosne i Hercegovine za 2004. godinu,

2. Ustavni osnov sadržan je u članu III tačka 1. e); članu IV tačka 4. b) I c); članu V tačka 3. f) Ustava Bosne i Hercegovine, kako je naveo predlagač i članu VIII tačka 1. Ustava Bosne i Hercegovine,

3. Ponuđeni tekst je usklađen sa Ustavom Bosne i Hercegovine i

4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 3. Prijedlog zakona o izvršenju Budžeta institucija BiH i međunarodnih obaveza BiH za 2004. godinu, predlagač Predsjedništvo BiH,

Takođe nakon kraće rasprave, Ustavno-pravna komisija Predstavničkog doma je jednoglasno utvrdila sljedeće:

1. Postoji valjan ustavno-pravni osnov za donošenje Zakona o izvršenju Budžeta institucija Bosne i Hercegovine i međunarodnih obaveza Bosne i Hercegovine za 2004. godinu,

2. Ustavni osnov sadržan je u članu III tačka 1. e); članu IV tačka 4. b) I c); članu V tačka 3. f) Ustava Bosne i Hercegovine, kako je naveo predlagač i članu VIII tačka 1. Ustava Bosne i Hercegovine,

3. Ponuđeni tekst je usklađen sa Ustavom Bosne i Hercegovine i

4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 4. Prijedlog okvirnog zakona o zalozima, predlagač Vijeće ministara BiH,

Nakon kraće rasprave u kojoj je Momčilo Novaković istakao da se predlagač nije potrudio da nađe i ponudi adekvatan ustavni osnov, Petar Kunić iznio svoj stav da ustavni osnov može biti samo prenos nadležnosti sa entiteta i zamjerio Predsjedništvu BiH što u zadnje vrijeme uopće ne vrši koordinaciju.

Seada Palavrić je pak istakla da se ustavni osnov mogao naći u odredbama koje reguliraju da je Bosne i Hercegovine jedinstveni ekonomski prostor (član I/4 – kretanje roba, usluga, kapitala i lica), kao i u odredbama o ljudskim pravima (član II/3 k) pravo na imovinu.

Međutim, na kraju je Komisija jednoglasno odlučila da zbog neprisustvovanje sjednici predstavnika predlagača odgodi za narednu sjednicu raspravu i izjašnjavanje o Prijedlogu okvirnog zakona o zalozima.

Ad. 5. Prijedlog zakona o radu u institucijama Bosne i Hercegovine, predlagač Vijeće ministara BiH.

Bez posebne rasprave, Ustavno-pravna komisija Predstavničkog doma je jednoglasno utvrdila sljedeće:

1. Postoji valjan ustavno-pravni osnov za donošenje Zakona o radu u institucijama Bosne i Hercegovine,

2. Ustavni osnov sadržan je u članu I tačka 4. Ustava Bosne i Hercegovine, kako je i naveo predlagač i članu IV tačka 4. a) Ustava Bosne i Hercegovine,

3. Ponuđeni tekst je usklađen sa Ustavom Bosne i Hercegovine i

4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 6. Izbor predstavnika Ustavno-pravne komisije Predstavničkog doma u Radnu grupu za izradu Prijedloga Kodeksa jedinstvenih nomotehničkih pravila za izradu pravnih propisa u institucijama Bosne i Hercegovine,

U Radnu grupu su jednoglasno izabrani predsjedavajući Komisije Mirsad Ćeman, Tihomir Gligorić i sekretar Milan Zjajić

Ad. 7. Ostala pitanja,

Pošto nije bilo prijedloga za ovu tačku dnevnog reda predsjedavajući je u 16,40 sati zaključio sjednicu.

SEKRETAR KOMISIJE
Milan Zjajić

PREDSJEDAVAJUĆI KOMISIJE
Mirsad Ćeman